

**Landesbibliothek Oldenburg**

**Digitalisierung von Drucken**

**Academiae Kiloniensis Proreector et Senatus orationem  
solemnam Augustissimi Regis Christiani VII natali die 29.  
Januarii 1798 habendam indicunt. De Gestu Veterum  
Scenico Observationes**

**Baden, Torkel**

**Kiliae Holsatorum, [1798?]**

**VD18 13382748**

[Einleitung]

**urn:nbn:de:gbv:45:1-8303**

---

**S**cenicas veterum fabulas legentibus duplex voluptas proponitur: una, quae aurum est, altera oculorum. Illis numeros legitimumque sonum versuum callemus, atque inurbanum lepido dicto seponimus; his, ut corpori ferrum, sic oratio animo *affinis* ope inprimitur.

Fabulae scriptae actionis exemplaria sunt, eaque verborum gestusque verbis subjecti arcta societas viget, qua sublata neglectave trunca oratio ac debilis compluribus in locis relinquatur. Proinde cum tragicos tum comicos ex antiquitate Poetas versantibus doctis, non raro accidisse constat, ut in sermonibus, in primis conspicuis plurimumque pollutibus haererent, quorum sensum, e vestigiis artis auxiliariae eruendum, pronuntiationis actionis, vel ignoratae vel levius ab interpretibus curatae, tenebrae obscurarent.

Neque aliter sene evenire potuit, cum quo gestu singuli partes suas confecerint in Scena actores deprehendendi indicis Comoediae Tragoediaeque scriptae veterum penitus destituantur. Recentiores scenici auctores, diversam plane a veteribus viam ingressi, sua in praecipiendo gestu diligentia, et pronuntiandi munus artificis (*Instructorem* vulgo nominant) apud histriorum gregem diminuerunt, et fabularum lectori laborem in divinanda actione compensarunt.

Sed illa securitas veterum Poetarum atque consuetudo, gestum personarum agentium in fabulis reticendi: ingens de gesticulationis veteris incomparabili ac paene prodigiosa excel-



lentia praejudicium vel peperisse vel aluisse videtur; dum fuerunt, qui censerent, cognitioni plus quam observationi antiquitatem tribuisse, eoque perfectionis fastigio *theoriam* tunc temporis spectatam, quae *praxin* hodiernam bonorum actorum longe post se relinquenter. In ea sententia *Diderottus* fuit, cui accedens *Lessingius*, actorum veterum ab ipsis quidem veteribus tantopere celebratas virtutes in corporis eloquentia efferenda probabiles effecturus<sup>1)</sup>, ad artificialia, nescio quae, eademque arbitraria signa consugit, quorum intellectum, uti rebatur, Scenae usus atque coaeventio hominum fixisset. Atqui hanc de cognitione veterum actorum sive theoria, contra recentiorum praxin magnifica, opinionem, convellere videtur et labefactare ipsa professio summi ex antiquitate histrionis, *Rosii*, qui observationi et exercitationi nihil non tribuens, artem extenuaret<sup>2)</sup>. Quod vero artificium veterum actorum in motibus animi proferendis ab illis praetenditur, id quale sit, si a naturali manuum totiusque corporis motu discesseris, nondum comperire potui. Immo dicendi magistrorum ostentationem cavillatur apud Ciceronem *Crassus*<sup>3)</sup>, qui, quae maxime propria naturae essent, actionem puta, his ipsis artem adhiberent. Huc, nimirum, recidisse cuncta dixerim in comparatione eloquentiae cum histrionica a Roscio (cujus librum citat *Macrobius*<sup>4)</sup> instituta, ut, quae sponte sua homines eloquentes facerent, ea observaverit atque delegerit.

Illud ex contemplatione operum veteris artis scenicorum non postremum capi posse commodum video, ut quasi superstitione liberati homines, in actione priscorum varia multa, neque

1) Laoc. in Append. p. 338.

2) de Or. 1. 29.

3) ibid. 32.

4) Sat. 3. 14.



tamen a recentiori actione diversa intueantur. Quia in re curas desigentes, quae, quantulacunque sint, *Personarum*, et quidem comicarum cum scenicis poetis veteris orbis collatione, didicerimus ipsi ac notaverimus, exponere oratione cum maxime properamus.

*De sigillis Personarum ex aere, eorum usu antiquo et consilio.*

In iis, quae scenici gestus, veteribus usitati, intelligentiam adjuvant, praesidiis, insignem locum obtinent figurae sive sigilla e metallo; quorum a *Ficoronio* aliisque comportatorum numerum quoniam accessione nonnullorum, Museum Borgianum Velitris nobilitantium, augendi facultatem fors nobis largita est: antequam ad causam accedamus, e re judicamus esse, de figurarum istarum usu et consilio tam universe quaedam, quam accommodate ad borgiana sigilla disputando praestruere.

*Ideales* nonnemo imagunculas vocaverit, eum in finem ex cogitatas fictasque, ut actores quarumcunque partium representando, exempla perfectae omnibusque numeris absolutae actionis haberentur. Frequens horum exemplorum usus in meditatione poetarum scenicorum, tam in pictis quam sculptis operibus antiquitatis obviorum; quos sedentes offendimus, atque in componendis fabulis a personis affectus mutuantes<sup>5)</sup>.

Praestat tamen certis nominibus rerum ac personarum asse rere, atque ad *Comicos* ipsos referre, quorum in certis parti bus fabularum tractandis cognita probataque virtus statuam, laudis proemium tulerit, quae morum argumentorumque, in quibus eminissent, monumentum esset. Poterunt sic statuclae repetitiones ac diminutiones justae staturaे videri, quarum

5) compar. Qvinctil. 31. 3. 73.

